

冬日暖意 (1)

學習範疇：親子伴讀(對話式閱讀)

學習目標：

- 增強圖書概念 - 辨認圖書的基本結構及閱讀文字的方向
- 促進對故事的理解及回答不同類型問題的能力 - 回答與故事內容有關及延展性的問題

所需物資：

- 故事圖書【溫暖的冬天】

(可於公共圖書館借閱圖書 <https://webcat.hkpl.gov.hk/lib/item?id=chamo:2037609&fromLocationLink=false&theme=WEB>)

- 問題範例 (參考用)



步 驟：

1. 成人展示故事圖書，並向兒童提問與該圖書有關的問題：
「這本書的封面及封底在哪裡？」
「這本書的書名在哪裡？」
「這個故事的名稱是甚麼？」
「這本書的封面上有甚麼圖畫？」
「你猜想這個故事關於甚麼？」
2. 成人邀請兒童一起閱讀【溫暖的冬天】，鼓勵兒童留心，期間回答問題。
3. 成人以口語說故事，每說畢兩至數頁故事後，參閱問題範例，向兒童提問一至兩條內容性問題及一條延展性問題。
4. 成人把兒童的回應擴展成完整句子作回饋，以提升兒童的表達能力。
5. 重複步驟 3-4 至完成故事上半部分 (即 P.6-15：由「小熊和小刺猬是很要好的朋友」至「這時，冬天的第一片雪花正從天上飄下來」)。

6. 請兒童說出故事名稱，告訴兒童下半部分留待下次【冬日暖意(2)】繼續。

注意事項：

- 故事圖書取材自：艾伯圖·貝里維利著，嚴吳嬋霞主譯 (2001)：《溫暖的冬天》，香港，新雅文化事業有限公司。成人可自行購買，或以其他與主題有關的故事圖書代替。如採用自選圖書，建議成人預先就故事內容構思好內容性及延展性問題，以便在說故事的過程中提問。
- 問題範例中有內容性及延展性兩類問題。延展性問題旨在訓練兒童的推理、解難、類化、假設等能力，成人可鼓勵兒童一起動腦筋，想出更多可行的答案，透過討論豐富經驗。
- 若兒童的理解能力較弱，建議成人集中發問內容性的問題。
- 若兒童對故事的理解能力較高，對與內容有關的問題已有充分的掌握，成人發問時可增加延展性問題的數量，進一步提升兒童的語言推理能力。

此教材參考自協康會《聽說讀寫小寶盒》(低班)。

學習範疇：親子伴讀

問題範例

P.6-7 「小熊和小刺猬是很要好的朋友.....原來秋天已經來臨了。」

- ◇ 內容性問題
- ◆ 延展性問題

◇ 「小熊同邊個係好朋友？」(小刺猬)

◇ 「佢哋喺夏天嘅時候做咩呀？」(一起玩耍)

◇ 「喺圖畫度，除咗見到大風、黑雲同雨點之外，仲有咩嘢飄來飄去？」
(樹葉)

◇ 「幾時開始啲樹葉會變黃同跌落嚟㗎？」(秋天)

◆ 「落雨嘅時候，如果我哋冇帶遮，咁點算好呢？」(用報紙遮著、買一把新雨傘、找地方避雨.....等)

◆ 「有啲咩係落大雨時我哋唔好去做㗎？」(去公園玩、去沙灘游泳、去郊外燒烤.....等)

P.8-9 「小熊和小刺猬肚子餓得很.....小熊和小刺猬相對着大笑。」

◇ 「小熊同小刺猬好肚餓，小熊話咩呀？」(我們要快些去找食物，還要吃很多很多東西)

◇ 「小熊同小刺猬喺邊度搵食物？」(樹林裡)

◇ 「點解小熊話佢個肚要爆炸喇？」(因為牠吃了很多東西)

◇ 「喺圖畫度佢哋食飽後喺度做咩呀？」(坐在大樹下抱著肚子得開心地望著對方笑)

◆ 「你估吓小熊同小刺猬喺樹林度搵到啲咩食呢？」(果實、水果、昆蟲、.....等)

◆ 「小熊同小刺猬喺樹林度搵食物；如果我哋覺得好肚餓，可以去邊度買食物呢？」(超級市場、餐廳、快餐店、便利店、街市.....等)

P.10-11 「我實在吃得太多了.....這真是一個最好的主意。」

- ◇ 「點解小熊同小刺猹突然間覺得難過嘅？」(因為牠們要分手了)
- ◇ 「邊個諗到一個好主意？」(小刺猹)
- ◇ 「小刺猹諗到個咩好主意呢？」(請小熊留下來與牠一起過冬)
- ◇ 「喺圖畫度嗰間屋係邊個嘅屋企？」(小刺猹的家)
- ◆ 「冬天同夏天有咩分別呀？」(冬天天氣寒冷而夏天天氣炎熱、冬天要穿長袖衫而夏天穿短袖衫.....等)
- ◆ 「小熊同小刺猹都好眼瞓，我哋點知道佢哋眼瞓㗎？」(打呵欠、伸懶腰、睜不開眼睛)

P. 12-13 「小刺猹給小熊一頂睡帽.....我怕我會感冒呢！」

- ◇ 「小刺猹俾咗啲咩小熊呀？」(一頂睡帽)
- ◇ 「小刺猹將塊大木柴於喺邊度？」(火爐入面)
- ◇ 「小熊個大難題係咩呀？」(小刺猹的牀太短、毛毯又唔夠長、睡帽又太細，令牠睡不著)
- ◇ 「點解小熊瞓唔著呢？」(因為牠的腳很凍)
- ◆ 「感冒時會點嘍？」(發燒、打噴嚏、流鼻水、咳)
- ◆ 「我哋冇火爐，冬天時有咩方法可以令自己暖啲嘍？」(穿厚衣、開暖爐、喝暖水、戴頸巾、做運動.....等)

P.14-15 「小熊接着說.....冬天的第一片雪花正從天上飄下來。」

- ◇ 「除咗床、毛毯、睡帽太細之外，仲有啲咩係小熊嫌太細嘅呢？」(尿壺)
- ◇ 「小熊有咩好主意呀？」(請小刺猹到牠的家睡覺)
- ◇ 「點解小刺猹覺得難過嘅？」(因為小熊覺得牠的家不夠舒適)
- ◇ 「喺圖畫度啲雪係點樣嘅？」(白色的、一粒一粒的、圓形的)
- ◆ 「除咗頸巾之外，仲有啲咩衣服係適合冬天著嘍？」(手襪、冷帽、毛衣、羽絨外套、羊毛內衣.....等)
- ◆ 「小刺猹因為小熊覺得佢屋企唔夠舒服，所以覺得好難過；有啲咩事係會令你覺得好難過嘍？」(自由發揮)

此教材參考自協康會《聽說讀寫小寶盒》(低班)。